



Vogošća, ul. Jošanička, br. 80; tel: 00387 33 586 413, fax: 586 418

Broj: 07-14-1076/18

Vogošća, 02.07.2018. godine

Na osnovu člana 69. stav 2. tačka tačka d), člana 70. Zakona o javnim nabavkama BiH ("Službeni glasnik BiH" broj: 39/14), i člana 71. i 125. Statuta Općine Vogošća ("Službene novine Kantona Sarajevo", broj 27/14-Prečišćeni tekst i 14/15), Općinski načelnik dana 02.07.2018. godine donio je

**ODLUKU
O PONIŠTENJU POSTUPKA JAVNE NABAVKE RADOVA NA IZGRADNJI DISTRIBUTIVNOG
CJEVOVODA DN 100 MM I DN 50 MM U NASELJU DONJA JOŠANICA-UGLJEŠIĆI (IZA WOG-
A), NA PODRUČJU OPĆINE VOGOŠĆA**

Član 1.

Poništava se postupak javne nabavke radova na izgradnji distributivnog cjevovoda DN 100 mm i DN 50 mm u naselju Donja Jošanica-Uglješići (iza Wog-a), na području općine Vogošća broj: 07-14-1076/18, jer nijedna od primljenih ponuda nije prihvatljiva.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

OBRAZLOŽENJE

Općinski načelnik je dana 05.06.2018. godine donio Odluku o pokretanju Otvorenog postupka nabavke radova na izgradnji distributivnog cjevovoda DN 100 mm i DN 50 mm u naselju Donja Jošanica-Uglješići (iza Wog-a), na području općine Vogošća, zajedno sa objavljivanjem obavještenja o nabavci i tenderske dokumentacije na Portalu javnih nabavki BiH dana 08.06.2018. godine pod brojem: 1353-1-3-82-3-46/18. Sažetak obavještenja o nabavci objavljen je u "Službenom glasniku BiH" broj: 40/18 od 15.06.2018. godine.

Tendersku dokumentaciju sa Portala javnih nabavki BiH je preuzelo 12 (dvanaest) ponuđača. Krajnji rok za dostavu ponuda bio je 25.06.2018. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 25.06.2018. godine.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Manjo" d.o.o. Sarajevo	147.675,50	/	/	172.780,34
2	"Mibral" d.o.o. Sarajevo	160.959,50	/	/	188.322,62

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve Ugovornog organa u Tenderskoj dokumentaciji broj: 07-14-1076/18 iz juna 2018. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

I. Ponuda ponuđača "Manjo" d.o.o. Sarajevo, ne ispunjava formalno-pravne uslove tražene Tenderskom dokumentacijom i to:

Tačkom 7.4.1. TD pod b), a u skladu sa članom 51. Zakona zahtjevano je da je ponuđač/kandidat dužan imati na raspolaganju između ostalog i 2 izvršioca, minimum KV radnici građevinske struke-zidari ili tesari.

Tačkom 7.4.2. TD pod b) je traženo da se za 2 izvršioca, minimum KV radnici građevinske struke-zidari ili tesari kao dokazi dostave Diplome/svjedočanstva o završenoj stručnoj spremi i dokazi o radnom angažmanu, a koji mogu biti Izvodi iz matične evidencije uposlenih (PIO/MIO), Lista osiguranih lica iz Poreske uprave-nadležne ispostave, Potvrde-uvjerenja izdata od strane poslodavca, Ugovori o djelu, Ugovori o poslovno tehničkoj saradnji, shodno tački 7.4.1 b).

Ponuđač "Manjo" d.o.o. Sarajevo je u svojoj Ponudi (strana 48. Ponude) dostavio Uvjerenje broj: 254/13 od 16.01.2013. godine, izdato od strane "Instituta zaštite, ekologije i informatike" Banja Luka-ovlašćenog za obavljanje poslova zaštite i zdravlja na radu, kojim se dokazuje da je uposlenik firme "Manjo" d.o.o. Sarajevo Džano Ribica osposobljen za samostalno-bezbjedno i stručno obavljanje poslova i radnih zadataka tesara u građevinarstvu.

Također, ponuđač "Manjo" d.o.o. Sarajevo je u svojoj Ponudi (strana 49. Ponude) dostavio Uvjerenje broj: 03-1-2-458-41/87 od 08.05.1987. godine, izdato od strane Građevinske radne organizacije "Put" Sarajevo, kojim se dokazuje da je radnik Uruči Muhamed osposobljen za tesara III (treći) stepen u Građevinskoj radnoj organizaciji "Put" Sarajevo.

Komisija za javne nabavke cijeni da dostavljena Uvjerenja nisu u skladu sa traženim dokazima iz tačke 7.4.2. pod b) TD i da ne ispunjavaju uslove postavljene u TD (tražene su Diplome/svjedočanstva o završenoj stručnoj spremi).

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

II. Ponuda ponuđača "Mibral" d.o.o. Sarajevo, ne ispunjava formalno-pravne uslove tražene Tenderskom dokumentacijom i to:

Tačkom 7.4.1.TD pod c), a u skladu sa članom 51. Zakona je traženo da ponuđač posjeduje/ima na raspolaganju građevinske mašine i tehničku opremu neophodnu za uspješno izvođenje predmetnih radova.

Tačkom 7.4.2. TD pod c) je između ostalog traženo da se kao dokazi dostave važeće saobraćajne dozvole/potvrde o registraciji (za rovokopač i kamion-kiper) te važeća upotrebna dozvola (valjak do 2 tone) za tražene građevinske mašine i tehničku opremu shodno tački 7.4.1 c).

Ponuđač "Mibral" d.o.o. Sarajevo je u svojoj Ponudi (strana 125. i 126. Ponude) dostavio Upotrebne dozvole za rovokopač JCB tip: 65R-1 i rovokopač CATERPILLAR tip: 308 D.

Komisija za javne nabavke smatra da dostavljene Upotrebne dozvole nisu u skladu sa traženim dokazima iz tačke 7.4.2. TD pod c), jer je istom tačkom jasno traženo da se kao dokazi dostave važeće saobraćajne dozvole/potvrde o registraciji (za rovokopač i kamion-kiper).

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

- III. Tačkom 7.4.1.TD pod c), a u skladu sa članom 51. Zakona je traženo da ponuđači posjeduju/imaju na raspolaganju građevinske mašine i tehničku opremu neophodnu za uspješno izvođenje predmetnih radova, a između ostalog da imaju na raspolaganju valjak do 2 tone.

Ponuđač "Manjo" d.o.o. Sarajevo je u svojoj Ponudi (strana 73-74. Ponude) kao dokaz dostavio Upotrebnu dozvolu broj: 17-UD-0833-3.4./15 za valjak Wacker tip: W 55 i Upotrebnu dozvolu broj: 17-UD-0833-3.10./15 za valjak Case vibromax tip: W 70. Sastavni dio prethodno pomenutih Upotrebni dozvola je Zapisnik o stručnom nalazu broj: 17-II-0833/15 od 18.09.2015 kojeg je ponuđač propustio da dostavi uz Ponudu. Obzirom da je TD tražen valjak ukupne operativne težine do 2 tone, Komisija za javne nabavke na osnovu dostavljenih dokaza nije mogla adekvatno ocijeniti da li je težina valjaka koji su dostavljeni uz Ponudu u skladu sa zahtjevima ugovornog organa postavljenim u TD.

Ponuđač "Mibral" d.o.o. Sarajevo je u svojoj Ponudi (strana 135. Ponude) kao dokaz dostavio Upotrebnu dozvolu broj: 1565/16 za valjak Bomag tip: BW 120 AD-3. Sastavni dio prethodno pomenute Upotrebne dozvole je Zapisnik o stručnom nalazu broj: 473/16 iz oktobra 2016. godine kojeg je ponuđač propustio da dostavi uz Ponudu. Obzirom da je TD tražen valjak ukupne operativne težine do 2 tone, Komisija za javne nabavke na osnovu dostavljenog dokaza nije mogla adekvatno ocijeniti da li je težina valjaka koji je dostavljen uz Ponudu u skladu sa zahtjevima ugovornog organa postavljenim u TD.

Iz navedenih razloga, Komisija za javne nabavke je jednoglasno dala preporuku Općinskom načelniku da donese Odluku o poništenju postupka nabavke radova na izgradnji distributivnog cjevovoda DN 100 mm i DN 50 mm u naselju Donja Jošanica-Uglješići (iza Wog-a), na području općine Vogošća, iz razloga jer nijedna od primljenih ponuda nije prihvatljiva, a u skladu sa članu 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka javne nabavke izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:

1. "Manjo" d.o.o. Sarajevo
2. "Mibral" d.o.o. Sarajevo
3. Nadležnoj Službi
4. U dosije
5. a/a

033/618-372

033/656-680

OPĆINSKI NACELNIK


Edin Smajlić